

德陽縣新志卷一

地里志

沿革



德陽縣古隸禹貢梁州之域舊志云天文井鬼分野入參一度為鶉首之次然諸家言分野各異而恆星每七十年嘗差一度元象高遠叢爾小邑目測殊難定也商周為蜀國地秦屬蜀郡漢初始置縣竹縣屬廣漢郡為都尉治轄今德陽縣竹二縣地後漢因之靈帝中平五年益州牧劉焉嘗徙此為益州治獻帝興平元年縣災焉復徙成都縣仍屬廣漢郡縣治並在黃許鎮蜀漢昭烈帝章武

德陽縣新志

卷一

沿革

一

二年分廣漢置梓潼郡縣屬焉又分置陽泉縣在今孝泉屬

廣漢郡晉初縣屬新都郡郡廢還屬廣漢郡東晉安帝

隆安二年分置晉熙郡領晉熙即今縣竹治葭陽即今德陽治二

縣又分置南陰平郡陰平縣在今隆興橋縣屬焉宋因之齊

東昏侯永元初廢晉熙郡置南新巴郡寄治陰平晉熙

及縣屬焉梁復置晉熙郡後周徙晉熙郡治陽泉省晉

熙縣入之廢縣及葭陽又廢南陰平郡改置南陰平縣

尋廢隋文帝開皇初廢晉熙郡復置晉熙縣與陽泉並

屬蜀郡十八年改陽泉為孝水煬帝大業二年又改晉

熙為縣竹是為今縣竹縣之始省孝水入之唐高祖武

德三年始於葺陽舊址置今德陽縣屬益州武后垂拱二年改屬漢州宋因之元世祖至元八年升縣爲德州十三年復改爲縣屬成都路十八年還屬漢州明太祖洪武十年省入漢州十三年復置我

國朝初屬成都府雍正五年升緜州爲直隸州以縣屬焉

按今德陽名縣始於唐武德之改置非漢之德陽縣也漢德陽在今梓潼縣北一統志所謂德陽故城後漢初分梓潼縣置屬廣漢郡後移於今遂寧故廣漢縣界廢此爲亭魏景元四年鄧艾從陰平由斜徑經漢德陽亭趨涪出劍閣之西百里是也故廣漢界之德陽在今遂

德陽縣新志

卷一

沿革

二

寧蓬溪安岳三縣界通志所謂後漢章武中分墊江資中牛鞞廣漢四縣地置德陽縣後周愍帝元年廢後漢末昭烈入蜀使張桓侯由墊江入定巴西蜀將張裔拒之德陽陌下晉永寧元年廣漢太守辛冉爲李特所攻奔德陽太安元年詔以張徵爲廣漢太守軍德陽二年荊州太守宋岱救成都軍墊江前鋒孫卓破德陽遂徑至涪永和二年將軍楊謙因鄧定隗文之變棄涪城退保德陽皆指此故寰宇記云德陽舊壘東與巴郡爲界也兩德陽俱非今治

今德陽縣乃漢緜竹縣地漢治在今黃許鎮拒水爲關

利於戰守其南三百里平陽無險可據矣昔先主進到涪據其城劉璋諸將皆破敗退保縣竹李嚴督縣竹率眾降先主進軍圍雒雒城破進圍成都又鄧艾從陰平由斜徑趨涪諸葛瞻督諸軍至涪不進退保縣竹又艾追姜維到陰平簡選精銳欲從漢德陽入江油左儋道詣縣竹趨成都皆非今縣竹惟黃許鎮上接涪下通雒足以當之况落鳳坡爲龐靖侯中流矢處廟與墓均在山頂則其爲涪雒古道可知若今縣竹則晉安帝時所置之晉熙郡縣也

今德陽縣治爲東晉分置之葭陽故城於史籍無事可

徵舊乘亦不載所在然元虞集作許旌陽祠堂記謂太康元年徵爲旌陽令明曹學佺名勝志亦云德陽一名旌陽晉太康初許遜爲旌陽令二公皆一代偉人學問淵博其言必非無據疑太康改元距東晉僅三四十年或初嘗置旌陽不久旋廢後復仍其地置葭陽史遂佚之耳不然旌陽之稱流傳已久遺蹟顯然而葭陽故址何竟杳無可稽耶

蜀漢時於縣竹分置陽泉縣舊志亦不云所在史又無事可徵然漢境遼闊縣竹治雖在今德陽實併今縣竹爲一縣蜀漢分置陽泉其爲今之孝泉可知隋改名孝

水今呼孝泉蓋兼二名稱之晉又於今之緜竹分置晉熙郡縣後周徙晉熙郡治陽泉省縣入之亦就其境地相接耳

東晉又分置南陰平郡陰平縣地亦無攷益州記云南陰平鄉有浮中山寰宇記云浮中山在南陰平鄉東每芳春游人登賞謂之迎春岡又云南陰平郡在縣北浮中山西地里志云南陰平在縣西北其爲今隆興橋之左右歟舊志謂在治北三十里當時郡縣並置不應密邇若此所轄必兼今緜竹彰明羅江諸縣境也晉書云惠帝之後李特僭號於蜀益州郡縣皆沒於特李雄又

分漢嘉蜀二郡立沈黎漢原二郡是時郡縣雖沒江左並遙置之桓溫滅蜀其地復爲晉有省漢原沈黎而立南陰平等四郡宋志云晉永嘉後以陰平流民僞置南陰平郡及陰平縣寄治葭陽元和志又云有南新巴郡寄治陰平尋廢隋志云周廢南陰平郡爲南陰平縣尋廢入雒縣則其治當在今縣北矣

東晉又分置葭陽縣一統志云本緜竹地安帝置縣屬晉熙郡又以南陰平郡寄治於此舊志謂在縣西北非也陽泉陰平之間不容再有所置蓋卽今之縣治也古緜竹在今黃許鎮西有陽泉西北有陰平北有萬安

江惟南境尙足以分置况晉初許遜爲旌陽合遺蹟皆
在今署中則仍旌陽爲萇陽因萇陽爲德陽一地而三
易名亦事理之常有可信者

疆域

德陽縣治在四川布政司東北一百五十里在絲州直隸州西南一百二十里絲陽河北尙有岡巒絡繹其南則彌望平陽直達成都之南境與眉邛二州交壤三百餘里竹樹青蒼田廬隱眇茲洵天府之鎖鑰也漢初置絲竹縣於治北併今絲竹縣地幅幘寥闊北接涪南通雒東交郫西抵什邡相沿以迄蜀漢始分置陽泉縣東晉中又分置晉熙葭陽陰平三縣歷宋齊梁周廢置無常至隋始改絲竹於晉熙唐初又改葭陽爲德陽罷省諸縣而兩縣之名乃定自後雖爲州爲縣小有紛更屬漢德陽縣新志

卷一 疆域

六

屬益頗分彼此然太平寰宇記所載四至八到大抵與今理無甚異同至我

朝初屬成都府雍正中改屬絲州直隸州所轄周圍二百六十里東西距八十里南北距五十三里東至茶店子與潼川府屬之中江縣交界四十里西至孝泉場與本州所屬之絲竹縣交界四十里南至大漢鎮與成都府屬之漢州交界二十五里北至廣濟橋與本州所屬之羅江縣交界三十三里東南至漢陽橋與漢州交界二十四里西南至石亭寺與漢州交界三十里東北至斬龍埡與羅江縣交界七十里西北至隆興橋與絲竹羅

江兩縣及龍安府屬之彰明縣交界六十里東北至
京師四千六百里

德陽縣新志

卷一

疆域

形勝

元和郡國志云有饒沃之利無巖壑之險雖一隅勝概實會城股肱

絲州志云德陽縣岷嶺南來有龍翔鳳舞之勢至絲竹而盡平豁坦途西望益州之野東瞻馬鹿之關雒水繞其南鹿頭拱其北乃陸海之中阿潼縣之域界至如諸泉匯流遠堞環山雖非寥闊之模亦據一隅之勝控制陰平實稱捷徑

舊縣志云青城玉壘縣互南來北望白馬關對峙牛耳鹿頭起伏縱橫有控阨陰平之勢鄰益州之沃野依若輔

德陽縣新志

卷一

形勝

八

車灌絲水之洪濤繞如襟帶欹螺聳翠蟠龍鬱靈普利澤於孝泉膏流千頃溯仙蹤於丹井源接三江至於東北要衝冠蓋絡繹繡壤交錯清流滌洄有桑麻井里之風無邃壑巉巖之險雖一隅勝概實會城股肱

又云自羅江白馬關逶迤而下至絲陽河山勢截然而止南望錦城沃野平疇千里在目遙眺東北諸山羣峰羅列如風送春波層見疊出四時蒼翠異常其西則什邡瑩華諸山出沒隱見晴雲積雪如列畫圖迄今過斯土者莫不曰美哉邑乎一隅之勝概也

左思蜀都賦云浸以絲洛

杜甫鹿頭山詩云連山西南斷俯見千里豁又云及茲險阻盡始喜原野闊

按德陽縣雖蕞爾小邑其平疇曠野皆膏腴美壤當承平無事時廬井相望雞犬相聞稻麥桑麻盈于原隰固亦郟雒之亞也然昭烈進涪劉璋諸將退保縣竹鄧艾趨涪諸葛瞻諸軍亦退保縣竹卽高崇文郭崇韜亦皆以破鹿頭關渡緜陽水爲先謀勝算則亦成都之北門西川之要隘矣

山川

湧蓮山舊志云在城內東南崇果寺又名湧蓮山然寺在平地未嘗有山也按王子安善寂寺碑云梁武帝時勅建則當日叢林必不僅此區區數畝之地蓋城址穹隆高起遠望若在雲間絲水環抱曲折宛然蓮座之湧出也

五臺山在城北平地小堆阜也或自然生成或人力壘砌俱不可攷但語於一阜則四阜相應故又呼爲應聲臺舊志云突起高峰爲北城屏障似未可作山巒觀也

東山在縣東十里緜陽河外山原白落鳳坡邈迤而來層

德陽縣新志

卷一 山川

十

巒叠嶂起伏聯緜登城遠矚聳翠凝暉雖無千巖萬壑之奇觀而鬱鬱蔥蔥固亦邑中之秀氣也舊志云山後有洞深窅莫測石門半開人不敢入窺之隱隱見石棹等物猶存按名勝志引道迹經曰縣東二十里隸上治季主先生學道飛仙之所真誥云司馬季主得道尸解葬於蜀昇盤山之南當卽此山洞也

欽螺山在縣東四十里翠黛煙鬟宛似欹斜螺髻故名明萬曆中漢州僧明本愛其峰巒翠秀結廬山頂苦志清修後徙居什邡縣之瑩華山洞數十年坐化其徒遂於山顛闢地爲菴奉頭顱祀焉卽今之頂骨殿云此山本

名歪腦山舊有炳靈宮實明本初地嘉慶中忽傳禪師復還此地僧眾遂大加修葺四方膜拜咸利其便好事者嫌其名不雅馴因改今名

馬鞍山在縣東十五里以形得名山下有洞云通玉皇觀人莫敢入春時草色蒼翠較勝諸山每當眺望心目爲之一快

乾柏山在縣東三十里山半昔有古井深窅莫測天時亢旱祈禱每應後被居民填塞然當農忙耕種之際水輒從地孔中滲溢而出尙可灌溉良田十餘畝云

青臺山在縣東十六里有觀音殿

德陽縣新志

卷一

山川

七

響石山在縣東三十五里由尖山蜿蜒而下突起此山上有方園二石以筵擊之鏘然有聲方者如鐘園者如鼓故名

尖山在縣東二十五里又名筆山高出羣峰之上縣長十餘里冬時往往積雪經旬不化爲縣通中江要路上有尖山寺

香盤山在縣東十五里與天宮堂對峙形如香盤故名春月晦朔之夕嘗有鑑數十自空中來集山頂土人謂之朝天宮云月朗風清多有見者疑卽古之昇盤山也

金寶山在縣東二十里與尖山相映峰巒園秀美麗無倫

山半前明有金寶場兵燹後都爲灰燼殘磚敗瓦猶存者

鳳翥山在縣東五里形如飛鳳與治北文昌宮相對山顛舊有玉皇觀明萬曆中邑令樊鼎遇重建以培一邑文峰云

雲鳳山在縣東二十里峰頂懸崖有泉名香水味極甘美四時不竭有雲鳳寺

龜勝山在縣北二十五里又名萬勝堆乃白馬關支隴之麓也唐高崇文討劉闢屯軍於此有神龜兆勝因以名山

德陽縣新志

卷一

山川

三

鹿頭山在縣北二十三里黃許鎮古戍所也元和志云鹿頭戍在漢州德陽縣北寰宇記云鹿頭山自緜州羅江縣界迤邐入德陽故老云昔有張鹿頭居此造宅山因以爲名唐高崇文破劉闢於此蓋卽漢之緜竹關也

鹿頭山

唐杜甫子美

鹿頭何亭亭是日慰飢渴連山西南斷俯見千里豁遊子出京華劍門不可越及茲險阻盡始喜原野闊殊方昔三分霸氣曾開發天下今一家雲端失雙闕悠然想揚馬繼起名碑兀有文令人傷何處理爾骨紆餘脂膏地慘澹豪俠窟仗鉞非老臣宣風豈專達冀公柱石姿

論道邦國沃斯人亦何幸公鎮餘歲月

鹿頭山

唐鄭谷

馬頭春向鹿頭關遠樹平蕪一望閒雪下文君沽酒市
雲藏李白讀書山江樓客恨黃梅後村落人歌紫芋閒
隄月橋燈好時景漢廷無事不征蠻

鹿頭關

國朝李先本立齋

行李夷猶樹色寒太平烽火靜烟巒鹿頭曉日看騰海
馬足清風快度關漢季九回兵北伐緜陽一帶水東環
古時氣象今時局都在憑高指顧閒

鹿頭關曉望

方積有堂

德陽縣新志

卷一 山川

三

煙水渺滄瀛關門曉望明驟知全蜀大突壓萬峰平使
雨龍如豢無烽犬不驚戊辰以後諸番亭謐遙從雲氣裏歌吹辨

蓉城

浮中山在縣北三十里名勝志云本志云治北秦中治天
下第七治也上應箕水豹王逸少嘗欲游焉石洞產九
節菖蒲秦時韓仲修煉之所此雲笈七籤所載以為其
山浮亦名浮中山益州記南陰平鄉東有浮中山每芳
春游人登賞謂之迎春岡四面斷絕即此山也亦名秦
中化今為金相寺

雙龍山在縣北十里牛耳岡西有蓮池寺古寶珠寺也

耳岡在縣北十里官道中

蟠龍山在縣北三十里有泉穴細流涓涓不竭相傳有龍蟠踞其中故名有秦祖殿

太平山舊名鳳凰山在縣北十五里舊志云明季蜀屢被兵天啟中忽有鳳鳴於此占者以爲太平之兆因建寺祝焉後果驗山之得名以此

麻姑山在縣北四十里兩山對峙中爲縣陽江山嘗有石洞六在江之南者三二開一閉在江之北者三皆閉洞深數丈有石牀四石人五石馬三騎者二見通志

昇盤山名勝志云按真誥司馬季主漢人也得道尸解留德陽縣新志

卷一 山川

西

枕席以代形似其身不異家人乃葬於蜀昇盤山之南諸葛亮爲之碑讚今未詳所在

黃連壩在縣東十五里山口有楷樹三株大皆合抱居人禁不得損傷俗呼楷爲黃連樹故以名壩云

仙人洞在縣北三十里秦祖殿後三里相傳有夫婦修煉於此道成飛昇仙去

仙女洞在縣西北三十里昔有獵者過此見二女采藥洞外急尾之洞門忽閉隱隱聞杵臼聲巖徑深邃不敢遽入秉炬入視惟藥臼存焉

飛雲洞在縣西北四十里距孝泉里許雍正中居人吉姓

者耕於其地倏然土陷怪而掘之見有石洞燃炬入視
兩旁復有小洞皆砌磚石如隧道然相傳姜詩子石泉
以母被遣聞洞中有道士善卜因訪問之未知所據飛
雲之名其刻石洞口耶抑後人名之耶舊志如此姑仍
之

麻仙洞詳上麻姑山

七星臺在縣治西市口堆阜從平地湧出望之如七星然
故名又名七賢墩

縣陽河在縣東一里古縣水也漢書地理志云縣竹縣紫
巖山縣水所出舊志云縣陽河發源茂州牛心山卽九

德陽縣新志

卷一 山川

五

峰山四時積雪融化厯山澗二百餘里過土司大壩砦
又厯山澗三十里出山口抵縣竹縣西北三十里縣堰
口落平坡東行入德陽縣之西北轉東南流經縣城東
南流入漢州連山鎮下至金堂縣之大渡口會湔洛諸
水過簡州至瀘州東入大江境內居民沿河築隄開水
分修柳梢茅包等堰灌溉田畝

石亭江在縣西四十里發源羌地之雪山亦卽牛心山蓋
在左爲縣陽河在右爲石亭江水自山中溪澗流出至
三江口而始大正西出什邡縣之高景關經縣竹縣之
南合射水馬尾二河入德陽界西南與漢州分界居民

亦沿河開水分築西茅包母猪等堰灌溉田畝下至漢州之銅盤山卽火盆山與縣陽河合流東南會蒲沱至瀘州入大江名勝志云樊眞公德陽錄畧云邑西南石亭江畔有石亭寺江畔有石亭因以名江晉李特李流軍繇江趙廞遣費遠斷北道屯縣竹之石亭是也然則此水在縣竹什邡而上本洛與射水馬尾三河入縣境乃得稱石亭江矣

過石亭江

國朝 李調元 兩村

廣漢本鄉水雒水常界道有江名石亭萬古流浩浩每逢秋漲時退飛驚鷁鳥湍過麥翻雉灘平樹集鵠君從何處來泥濊愁馬倒應惜千金障臨岸弄月保安得剗地平風浪泯如掃

德陽縣新志

卷一

山川

六

斜灘河在治東四十里匯白馬關以南諸山溪水行東山中數十里居民築堰開水灌溉田畝餘水入於縣河雍正七年於此設鹽關乾隆元年裁

石渣河在治北三十里源出北湧泉會石渣泉並匯眾流灌溉民田下流爲石渣河

孝泉古名孝水在縣西北四十里俗名姜詩泉詩母好飲江水一旦泉涌舍側味同江水宋治平中改名至今資以灌溉然隋大業時已置孝水縣則姜詩泉之稱亦愚

民不識忌諱者所呼耳

孝泉

宋韓份

龐氏清名不可沈事姑恭謹道彌淡非干骨有神仙分
自是人無孝弟心一派水連芳草寺數聲鴉噪夕陽林
祇從昔日登真後鶴駕霓旌何處尋

春日游孝泉

明周滿

不見鱗飛處空聞流水塘野橋分竹翠溪閣浣雲光高
誼遺風遠仙溟引派長桃源虛勝蹟羈眺重堪傷

過孝泉

國朝沈聯芳

駐馬沈鄉瀾碧澌路人齊說漢時遺臥冰難訪王祥蹟

德陽縣新志

卷一山川

七

截竹誰傳杜孝祠感格既能通坎穴報施何意溺麟兒
江陽縱有思恩碣大節無勞宦績垂

孝泉

閩秀侯淑蘭 德陽

躍鯉當年事本真靈淵汨汨四時春貪泉尚可移人性
此地應無不孝人

孝泉

閩秀李錫桂 縣竹

孝感鄉前水漫流姜龐名姓著千秋天心地脉神相合
仙井龍泉理共由一任平原分惠澤好從至性溯源頭
攜罇汲飲澆漓濯自有清香齒頰留

享泉在縣北一里宋時趙圻夫為縣令募民開鑿以灌民

田至今賴之

梅泉在縣東十五里舊志云天宮堂下有梅泉寺泉白石中流出汨汨不絕清冷異常有宋韓文梅泉詞碑碑面大書梅泉二字作八分體筆力適古雖苔蘚斑剝而字蹟無缺良可寶也今移於學宮與經樓碑對峙

梅泉詞

宋 韓文

梅信一枝聊寄遠寂寞孤根風定泉清淺每歲開遲人
偃蹇今年開早人心滿 莫道山深春尚晚一點陽和
此地先回暎更待來年冰盡泮纍纍青子東風畔

湧泉在縣東南三十里縣志作南湧泉有二一在高原形

德陽縣新志

卷一 山川

六

如仰釜周迴千餘丈水出如沸不可測土人常見有物
如牛游戲水上咸以爲龍一在平田較小泉中涌出玉
田沙數十處如星宿然可洗治金玉諸物二水皆清甘
可療病四旁田地均資灌溉相傳爲前明蜀藩王莊云

游湧泉

宋 任道

繚繞澄江面面山使君來與吏民間可堪歸騎臨晴陌
散盡遊人夕照閒

次韻

文同

謝公攜妓入東山我愛燒丹道士閒故引笙歌訪仙境
權將醉倒白雲閒

次韻

麻臺文

得得朱輪到此山，遲留共愛此幽閒。
人生勝事惟行樂，休問黃梁一夢閒。

次韻

楊闢之

雙旗遶出遠遊山，覽遍幽奇日自閒。
幕下淵雲陪後乘，馬蹄歸去月華閒。

湧泉和李雨村

國朝

張邦伸

萬峰輻湊圍繇洛，俯見東南千里豁。
連山中斷鹿頭昂，下有雙泉爭噴薄。
小者清淺不通舟，湛湛時湧玉沙流。
大者澄渟若仰釜，高隄浹渚儲靈湫。
神漢交洩下平地。

德陽縣新志

卷一 山川

九

一泓散作千家利，白浪瀾漫滿埵渠。
青疇穰種鋪郊遠，每至炎天缺水年。
時有野老來化錢，乞取楊枝滴甘露。
須臾濡澤傾桑田，可惜荒榛蔽連嶺。
無人裝作西湖景，宋家樓觀已邱墟。
與可鴻文空泡影，青蓮學士跨驢來。
招邀清客相追陪，鳴金伐鼓住泉上。
要看玉龍翻江迴，我作青齊遙北望。
時有紫氣排雲上，急寫新詩付阿奴。
好和胥門小海唱。

和雨村游湧泉次金雲亭韻

二首

張邦伸

不得隨仙侶，吹簫上湧泉。
寒沙翻玉屑，香霧隱花鈿。
客有攜壺興，人無俗事牽。
知君吟望好，鸞嘯震林煙。

與可題詩處樓臺倚碧泉江山留畫譜吟眺覓珠鈿荒
徑須人引危橋仗僕牽月明歸竹館風送柳條煙

湧泉行

王夢庚

陽泉壤地拓絲洛平原入望雙眼豁連阡複陌綺繡圍
湧出靈泉沾漑渥靈泉出地淡無根形如仰釜翻龍門
奔騰洶湧不可測雲霞日月吐復吞平壤探源勢差小
檻泉聲沸橫中道晶瑩飛出玉田沙入口甘芬痼疾療
分流疏濬知何年白龍蜿蜒周芳田旱魃不敢肆狂虐
望泉拜禱驚淪漣清詞競紀文與可使君游轡澄江左
笙歌醉倒白雲閒道士燒丹應愛我祇今臺榭隨飛塵

頽厓欹岸空荆榛桑田幸不入滄海南東千畝常含春
秋風正值西成好吹徧黃雲穰稔老迷離莫作仙源尋
萬家粒食知多少

洗眼泉在縣西十里聖水寺側舊志云泉味清香掬以洗
眼病愈目明前人有碑紀其效立石猶存

北湧泉在縣北三十五里上有湧泉觀水東流漑秦祖殿
左右田東北注於石渣河

七聖泉在縣西北三十里

觀音泉在縣東十六里青臺山危崖峭壁昔人鑿洞鑄觀
音大士像座下泉自石罅中流出雖大旱不竭可灌田

二十餘畝至今賴之

羅漢灘在縣西二十里石亭江中上有羅漢寺舊志云灘勢剛猛湍激聲震如雷相傳一日寺中羅漢俱不見適有人過寺云見十餘僧坐灘頭洗浴不畏洶涌僧趨往視已失所在及回寺則諸像依然如故而頭面俱溼尙多水草痕灘因此得名

龍井縣志云有四一孝泉八角井一因聖寺聖水泉一老君觀龍湫一北校場龍井並詳古蹟

巖鉢井在縣東二十五里官道旁巖高數丈四時清泉涓滴不絕下有石如蓮花承鉢其中水滴恰當鉢心故名

德陽縣新志

卷一 山川

三

梧桐井在縣西二十里詳見古蹟

旌陽丹井在縣署右詳見古蹟

風俗

舊志云德陽民兼五土聚族而居楚語越吟數代弗改是以性情嗜好吉凶禮儀各有鄉風土俗要其樵魯樸儉質而少文村童不揖讓村女不含顰足以見一道同風之世沐浴

聖化而不識不知者也因舉其切於日用者著於篇以供輜軒之採云今全錄於此

士習則門稀閭閻而負耒橫經世際雍熙而黨庠家塾青袍之士出不易衣皓首之儒耕多以舌無城闕佻達之風罕鄉校遊議之習雖方聞綴學未顯著於當時而說

德陽縣新志

卷一

風俗

三

禮敦詩頗薰陶於雅化蒸蒸日上可以俟之

民風則地居沃瘠之間民介勞佚之際視山僻邊邑雖頗奢華較省會名區猶多儉樸其或有游手好閒健訟鬪狠無業不逞之徒不列於編戶者長官繩之以法亦自知懼而改也

農事則澤農固多山農亦不少要皆以種稻爲正務故或掘地引泉或築堤積水當春夏之際日久不雨則男婦畢力灌溉晝夜不休至秋收後則田皆築塍塗泥潄水其中謂之蓄冬水閒有種襍糧者不過十分之一收後仍插稻秧其視成都之有都江大堰者勞佚懸殊矣

女工則多紡而少績紡車之聲盈於里巷徹夜不休富家婦女亦嫻刺繡貧者雖針紉度日不過布鞋短衣大線長麻供田夫之用而已不能如省會之工巧也

工役則技鮮精良凡土木金石之器多苦窳不堪故刮摩塼埴攻皮設色諸事必遠取於他處其貧民無他技能不過自食其力而已

商賈則陸不足以供車牛之運水不足以通舟楫之流坐列販賣無可居奇不過小本貿易聊給民間日用之需故市廛所會自布帛菽粟而外無他物焉

飲食則以稻爲主醞酒作飯皆稻米也雖極貧之家少有德陽縣新志 卷一 風俗 三
以菽麥供頓者蔬菜取諸園圃雞鴨畜之埽築中人之家肉食亦時不廢然其所養豢非有故不輕殺也歲重三節端午飲菖蒲酒食角黍中秋食餅餌飲桂花酒此二節者姑姊妹女子子出嫁者皆逐之歸寧年終歲首則先月宰猪爲臘肉比閭族戚交相過從以醉飽爲敬貧者亦勉力拮据爲自蓄計也

衣服則夏葛冬裘少有具者夏惟苧布短衫冬惟棉布小襖雖中人之家亦然至有到老而不識羅綺縠紋爲何物者惟紳衿富戶頗具葛裘亦祇取其價廉而工省不求美備其習尚使然也

嗜好則土無珍異之產民罕巨富之家服食居處多從儉
樸而安之若素其或有少年子弟甘食美服徵逐里巷
者必立致消索鄉黨皆引以爲戒蓋嗜好之有節實財
力有以限之也

冠禮無有行者

婚禮則不尙親迎惟訂盟時媒妁以女之庚帖爲據兩家
父母交贈衣履簪珥往還答禮此古者問名納采之禮
也至及年婿家託媒妁先以期告請女家所需衣物服
飾及其伯叔甥舅之應送嫁者皆列於單此古者納吉
請期之禮也將婚先一日婿家仍託媒妁選親族中之

德陽縣新志

卷一

風俗

十五

卑幼而文秀者爲之佐齋先單所開衣飾及請諸親柬
帖以行以牲酒香燭告於女之祖堂此古者納徵之禮
也至日女至則男女齊見於祖入房合巹女之父母及
諸親畢至新婚男女以次遍拜凡婿家之家族親黨皆
具禮爲賀或以雞酒或以花綾或以銀錢有客至數百
人者貧者不能具禮則不盡然也

喪禮則棺槨衣衾稱家之有無擗踊哭泣因情爲至否小
歛後停柩幃堂男女以左右居其閒宗族姻黨紛紛來
弔主人匍匐柩側拜之擇葬地時日乃訃於嘗所來弔
者及葬之前期則殺羊宰豕朝暮設奠預爲木主延鄉

紳之老而賢者點之內外姻戚咸具禮物來祭主家備席歛焉既葬迎主歸耐於家堂亦有用僧道誦經懺超度者則惟設蔬菜而不殺生然皆爲富者言之貧者亦不盡然也

祭禮則凡祖父母及父母已故者於忌日設魚菽之祭男女以次肅拜始死者或於其誕辰其子孫生日及嘗麥嘗稻則皆祭於先寒食則懸楮標於墓而祭以魚肉酒醴之類席地而脍其餘歲終祭墓亦如之七月十五日道家謂之中元佛氏於是日捨盂蘭盆前三日迎其先設座上食如事生禮至十五日焚楮袱而送之臘月二

德陽縣新志

卷一

風俗

三

十四夜以餈糖祀竈神除夕則具牲饌祭祖先及五祀音樂則凡婚姻宴會無不用者其樂有聲無詞閒取土俗歌曲入焉高下短長初無定譜司其事者侏儒賤工無足取也又有鐙戲爲豔歌新聲嬌婉柔曼尤爲俗耳所悅然惟元宵爲然餘時罕有聞者

歌謠則士女未有能之者惟農家插秧所歌者謂之秧歌牧童騎牛所歌者謂之山歌其聲調不同大都七字爲句四句成歌其趣而近雅者頗有古竹枝遺意

祈禳則春夏之交旱澇失時求官設壇於衙神廟或城隍廟集僧道繞壇誦經民間亦各立壇於鄉里至正二月

之交則城市鄉村皆延道士建醮以禳瘟火之災秋收畢咸賽青苗土地會以報之

村市賽會則正月初九日爲上九會以縣西姜孝子祠爲最先數日祠外豎綵臺合樂部演戲於其上場列百肆鄰境雲集有遠自數百里者貨如山積百戲襍呈進香人駢肩累踵于于而來緇流素侶持幢幡寶蓋魚貫蜂擁鉦鼓鐃吹之聲喧闐震耳祠前則拜疏者求籤者跌玆者捧鑪焚楮嘔雜莫辨香煙縹緲燭焰薰蒸日暮乃已同時城中東嶽廟真武宮亦有之惟演戲以相勝不如祠之繁盛也 十六日爲玉皇會在縣東玉皇觀其

德陽縣新志

卷一

風俗

三

列肆不及姜祠而進香人亦復不少廟前有古柏數株病者咸量其高下注艾以灸之云能祛病在目齊目在心齊心未知其驗否也 二月十九日爲觀音會在縣北之仙女洞先是洞中多宿流丐僧因塞之邑合黃河清以古蹟不可湮沒復令重開僧於土中獲觀音石像以爲靈異於是遠近聞風爭來膜拜至日進香者聯絡數十里遊人襍沓喧譁鼎沸凡飲食之物戲玩之具填溢衢路雖錦城蠶市未之過也 三月初三日爲壁山會在縣北聖覺寺有壁山神並妻妾像刻木爲之機關轉捩皆可屈伸祈子者多禱焉得子則以紅布數尺橫

覆像首隻雞斗酒以酬報之殺雞必於座前是日雞血常凝至寸許焉此會亦有數處惟寺爲盛耳 四月初八日爲浴佛會釋子於各寺敲鐘擊鼓以香湯浴佛軀鄉村叟媪雲集而禮拜焉此日又爲城隍會俗傳爲城隍夫人生辰故婦女進香尤多來必以夜謂夫人之義主乎陰也鐙燭暉光照徹如晝達旦不息階墀廊廡有遺簪墜珥焉官嘗設禁惟許白日演戲致祀而已 五月十三日爲磨刀會俗謂 關聖磨刀之辰前後數日必有雨以爲驗各市村有廟像處莫不演戲禮敬焉 五五六月之間又有青苗會各里首事恆募錢演戲於社

德陽縣新志

卷一

風俗

三

祠中以祈穀於土穀之神 六月六日爲曬經會釋子陳佛經曬於日中禮佛者亦雲集惟縣西高斗寺演戲最盛 七月十五日爲孟蘭會釋子施孟蘭盆爲鐵圍城血河之像使男婦禮佛者合掌唱佛偈繞行其中謂之破鐵城血盆夜則摺礬紙作蓮花式數十百置炬其中順流漂蕩謂之放河鐙設高座施食寒林諸鬼謂之放燄口 十月初二日爲牛王會農家尤重之城市則皆有牛王廟鄉村則寺觀亦塑有牛王像比戶合錢演戲以酬神彼此爭先樂部爲之增價又有衙神城隍神火神龍神諸廟及縣城市鎮之各省會館歲時演戲皆

盛世太平之景象焉

有常期以爲其神之誕辰云 以上風俗雖州縣所同
而其中不無小異者故修飾舊志而存之蓋亦足以徵

德陽縣新志

卷一

風俗

三

物產

稻之屬有秔有秠而名甚夥有以早名者曰百日早曰黑節早曰川東早曰雲南早曰六十早其收穫較先有以黏名者曰五開黏曰大葉南黏曰富貴黏曰雷黏曰巖黏曰巨陽黏尤遲者謂之香鬚黏皆秔屬也有以糯名者曰金線糯曰響穀糯曰酸酒糯曰絡麻糯皆秔屬也秔性陰種宜於陽秠性陽種宜於陰亦陰陽調燮之意麥之屬有大小二種與北地所產同大麥畧早於小麥又有油麥南麥爲麩最佳其種收之時亦同此外又有蕎麥亦分四種曰春蕎曰秋蕎曰伏蕎曰麻蕎自播

德陽縣新志

卷一

物產

五

種至成熟不踰百日農家冬秋時多於稻田中種之皆可爲麩又有玉麥亦名玉蜀黍俗名包穀莖如高粱而粒大如豆山谷貧民以爲食亦可作酒 粟之屬有龍爪狗尾之名因其形也古謂之梁結實常聚有黍莖如粟而高粒亦微大結實常散又有高粱或謂卽古之稷亦名蜀黍可作酒又有脂麻卽巨勝子可榨油 菽之屬通謂之豆有青黃紅白黑綠數種黃者種最多又有蘭花花腰等皆以形似得名豌豆有白麻二種蠶豆謂之胡豆可以飼牛馬多於稻田中種之 菑之屬通謂之麻有桐麻苧麻二種皆莖長數尺取其皮足以供用

桐麻可絞爲繩苧麻可績爲布又有黃麻亦可爲繩索
備農家之用若大麻則土性不宜未見有種者 蔬之
屬有韭有蕘有菠菱有萵苣有紅白二種茄有紫白
二種萊菔俗謂之蘿蔔有紅白二種菘俗謂之白菜芥
俗謂之青菜又有巢菜農家種以糞田壤春初嫩脆可
食卽東坡所謂元修菜也土音訛爲茗菜讀茗音韶
菰之屬有以瓜名者曰冬瓜曰南瓜曰瓠瓜曰絲瓜有
以豆名者曰豇豆曰扁豆曰四季豆曰龍爪豆 果之
屬見於蜀都賦者所在皆有此外又有花紅香櫟佛手
柑諸果其海棠之有實者俗謂之楸子人家園林中雜

植之 木之屬有檜木有麻柳楊柳有青岡卽橡樹也
有檀有槐有桑有椿椿分香臭二種有梧桐有黃楊皆
土宜常植他如松柏梓枏諸木雖非土宜亦間有之
竹之屬有斑竹大者可爲椽柱有荆竹有慈竹又謂之
絲竹柔紉可爲繩索有苦竹卽籠竹又有蘆竹易生而
不濟用貧家以爲樊籬葢草類也 花之屬有木本者
曰梅曰臘梅俱有數種曰含笑梅曰牡丹曰海棠曰紫
微曰紫荊曰木槿曰梔子卽簷蔔花曰迎春曰芙蓉曰
辛夷曰雙石榴曰絳桃花惟山茶種類最多不獨前人
所謂淺爲玉茗深都勝大曰山茶小海紅已也往年山

茶驟貴價重於金玉仕宦富商爭購以鬪勝半畝小園致費數千金者一二年閒賤與凡卉等今所在有之有藤本者曰荼蘼曰刺梅曰薔薇曰藤蘿曰月季曰金銀花曰風吹蓮曰串枝蓮有草本者曰蘭曰蕙其花四時皆有而種類不同名亦各異又有珍珠蘭魚子蘭花葉不同而香氣如一有罌粟有鳳仙有虞美人有晚香玉有繡毬有雞冠花有龍爪花有年景花有蜀葵花俗名棋盤花有水仙花有玉簪花有芍藥花菊有藍菊以夏開有秋菊具數十種好事者雜植於盆開時疊砌爲屏爲山以供賞玩 草之屬有萱草有蒲草有煙草本名

淡巴菰種者多至數十百畝有茜草可以染物茅草可以苫蓋又有苞茅如蘆葦可資籬壁之用此外種類甚多皆以供牛羊之牧原隰墳衍所在有之故不著其名 藥之屬有益母草蒲公英夏枯草車前草霍香荆芥薄荷紫蘇牛膝續斷枸杞沙參諸味隨地可供採用 毛之屬家畜則牛馬羊豕犬貓野獸惟狸兔閒有之羽之屬家畜則雞鴨鶩野禽如燕雀鳧雁畫眉偷倉黃鶯烏翎鷺鶩鵲鶻慈烏喜鵲布穀杜鵑皆因時爲有無 鱗之屬有鯉有鯽有鮎有鮎有青波魚桃花魚稻花魚烏魚金魚鱸魚鰍魚鰻俗謂之白鱸 介之屬有

鼈俗名腳魚有蟹有蝦有螺螯有蟻有蜂有蜈蚣蟋蟀螳螂蠟蟬顛當
有蛇種類不一其色各異有蜈蚣蟋蟀螳螂蠟蟬顛當
蟻螻有蟻有蜘蛛有蜂有蛺蝶俱有數種美惡良毒各
殊其性多不勝收難以盡載然皆鄰封州縣所同姑存
其畧可也 貨之屬有絲有繇布苧布有菜油有花生
油有小麴燒酒

大抵西川江沱縣洛之間彌望平疇州縣土物不過日
用尋常之品無他專產也雖名勝志謂治北秦中山石
洞產九節菖蒲秦時韓眾修煉之所亦不過本雲笈七
籤神仙荒渺之言或其時山川草昧未經開墾故有之

德陽縣新志

卷一 物產

三

耳今則地闢人稠園林竹樹之外皆稻田矣因舊志所
載存之